

Isikhathi sokubuyisa amafomu entela somuntu siqu namathrasti sowezi-2023

Tshwane, 23 kuNhlangulana 2023 - Ngokuhambisana nesunhloso loPhiko Lwemalingenisiso Egoqwayo LwaseNingizimu Afrika (i-SARS) lokwenza kube lula kubakhokhintela ukuhlangabezana nezibophezelo zabo ngokomthetho, abantu siqu (abakhokhintela besikhashana nabavamile) kanjalo namathrasti bangaqala ukuthumela amafomu abo entela kusukela ngoLwesihlanu mhla ziyi-7 kuNtulikazi 2023 **emva kwehora lesi-8 ebusuku.**

UKhomishana wakwaSARS uMnu. Edward Kieswetter uthe, “Ukuthunyelwa kwamafomu entela yengeniso lomuntu anolwazi oluqondile nangesikhathi kubalulekile ekwenzeni isikhathi sentela singabi nazihibe. Kulo nyaka, abakhokhintela kumele **bazibambe ngokwabo izindaba zabo zentela** ukuqinisekisa ukuthi bayazazi izibophezelo zabo nokuthi bahlale bethobela imigomo yentela.”

“USARS uyaqhubeka nokuhlinzeka ubuchwepheshe obenza lokhu kwenzeke, ukunweniswa kokusetshenziswa kwemininingo, okwenziwa ngcono ukufunda ngemishini, inqubokubala kanjalo nobusingabuhlakani. Siyaqhubeka futhi nokubona inqubekela phambili osizweni oluningi ku-inthanethi nolunikwa abantu ubuso nobuso kweseka ngemali abantu bethu. Le ntuthuko eyenzelwe ukwenza lokhu kube lula nokwenziwa ngcono kokuhlinzekwa kosizo kwenzelwe ukuqinisekisa ukuthi asibi khona isidingo sokuya emahhovisi akwaSARS uyobamba olayini abade,” kusho uMnu. Kieswetter.

Umpfumela wokwenziwa ngcono kwalolu sizo olwenza lokhu :

AUTO-ASSESSMENT (Uhlolo oluzenzekelayo)

1. Kusukela ngoLwesihlanu mhla zingama-30 kuNhlangulana 2023, uSARS uzoxhumana ngqo nabakhokhintela abakhethiwe ngeSMS azisa abakhokhintela ngohlolo oluzenzekelayo.
2. Abakhokhintela bangakwazi ukubona uhlolo oluzenzekelayo ngokusebenzisa imigudu yakwaSARS, efana ne-SARS MobiApp noma i-SARS eFiling, ukubukeza nokuqinisekisa ukuthi ulwazi olwenze kwenziwe uhlolo oluzenzekelayo ngabe luphelele futhi lushaya emhlozeni na.
3. Umkhokhintela okhethelwe uhlolo oluzenzekelayo, angakhetha ukwamukela umpfumela wokuhlolwa ngaphandle kokwenza izilungiso, noma uma kunesizathu, angakhetha ukwenza izilungiso ekudaluleni kwabo, bese bephinda bekuthumela usuhambisana namadokhumenti esekelayo.
 - o **Abakhokhintelo abemukela umpfumela wokuhlolwa** ngaphandle kokwenza izilungiso, futhi abafanelwe ukubuyelwa imali, bazothola imali yabo kuma-akhawunti asebhange emahoreni angama-72 emva kokuthola isaziso;
 - o **Abakhokhintela abathumela amfomu anezilungiso ekudaluleni** kwabo bazohlolwa kubhekwa lokhu abaphinde bakuthumela. Ukuhlolwa okubukezwe kungase kukhishwe ngale ndlela evezwe ngezansi. Uma kunemali oyikweleta uSARS, kumele ikhokhwe ku-akhawunti yasebhange yakwaSARS, nge-eFiling nona ngokusebenzisa i-SARS MobiApp ngosuku olubekiwe.
4. Uma umkhokhintela enelisekile ngompumela wohlobo oluzenzekelayo, akukho okumele baqhubeke bakwenze, inqubo yokuhlolwa iphelela lapha.
5. USARS ufisa ukunxusa abakhokhintela abakhethelwe uhlolo oluzenzekelayo ukuba babekezele **bangayi emagatsheni ethu** noma **bangashayeli i-Contact Centre** bebuza ngenqubekela phambili. USARS uyena ozoxhumana nalaba bakhokhintela.

UKUBUYISA IFOMU LOKUDALULA

Bonke abakhokhintela abathumele ukudalula okunezilungiso, noma abathumele ifomu lokudalula ngendlela ejwayelekile, bangathumela ukudalula kwabo, kuhambisane nolwazi olwesekelayo noma olwengeziwe ngokusebenzisa inkundla yakwaSARS ye-eFiling. Abakhokhintela abakuleli qembu elenzelwe i-auto-assessment, uSARS uzodlulisa ifomu bese ukhipha ukuhlolwa okubukeziwe, okungase kube nezibophezelo zemali ezihlukile okungaba ukuthi imali ezokubuyela isinciphile, imali ezokubuyela noma okumele uyikhokhe kwaSARS kunyukile. Bonke abanye abakhokhintela bazothola ukuhlolwa.

Lapho abakhokhintela behlangabezana nobunzima uma bebuyisa amafomu abo nge-eFiling noma nge-SARS MobiApp, kumele baqale babeke usuku lokuvakashela egatsheni.

Kuhlinzekwa ngengcaciso ezintweni eziningi:

Ukuphikisa nokudluliswa kodaba: Uma ungahambisani nokuhlolwa okubukeziwe, umkhokhintela angafaka isiphikiso, ngokulandela inqubo ejwayelekile yakwaSARS yokuphikisa.

Abakhokhintela abavamile: Abakhokhintela abavamile abangayitholanga uhlobo oluzenzekelayo okumele bathumele amafomu abo entela bangakwenza lokho kusukela mhla ziye-7 kuNtulikazi 2023 **emva kwehora lesi-8 ebusuku** kuze kube umhla zingama-23 kuMfumfu 2023.

Uma lonke ulwazi oluqukethwe efomini lungolwamanje futhi lushaya emhlobo, ukwenza lokhu ngeke kuthathe imizuzuwana engaphezulu kweyi-10. USARS uyayemukela imizamo yabakhokhintela yokwenza isimo sezindaba zabo zentela sithobele imigomo yentela. USARS uzozama ukunaka abakhokhintela abazobe bethumela amafomu abo angonyaka owedlule kanti ucela ukuba abakhokhintela babe nokubekezela kanye nokuqonda.

Abakhokhintela besikhashana kanjalo namathrasti bangaqala ukuthumela amafomu abo kusukela mhla ziye-7 kuNtulikazi 2023 **emva kwehora lesi-8 ebusuku** kuze kume umhla zingama-23 kuMasingana 2024.

Abakhokhintela, abangakhethelwanga i-auto-assessment bayanxuswa ukuba balinde i-imeyili kanye ne-SMS bangayi emagatsheni ngesonto lokuqala ngaphambi komhla ziye-7 kuNtulikazi 2023.

UMnu. Kieswetter uthe ukwethulwa kohlolo oluzenzekelayo, kwakungokunye kokwenziwa ngcono kwezindlela zokubuyisa amafomu entela okufakazela ukuzinikela kukaSARS ekwakheni isikhungo esinobuhlakani, sesimanje esinesithunzi esingabazeki, esethenjwayo futhi esiyisibonelo kwabanye. Ekuhlinzekeni ngosizo olusemqoka kanje, uSARS usiza ukwakha umbuso okhonayo ngentuthuko yenhlalo nezomnotho ezweni lethu nakubantu balo – Ukusebenza Ngokobizo kukaSARS.

Okusemqoka kakhulu, ukusetshenziswa kobuchwepheshe nemininingo sekuthuthukise ukukhona kukaSARS ukwenza ngcono nokuthuthukisa izinsizakusebenza zawo ukuhlolwa izimo zokungathobeli. Abakhokhintela akumele bakhulise izindleko noma badalule okungaphansi kwengeniso abalitholayo ukuze bakwazi ukuthola imali ebuyayo engabafanele ngoba lokhu kuzokwenza umkhokhintela abhekane necala lokukhwebanisa.

USARS uzokwenza kube nzima futhi kumbe eqolo kubakhokhintela abafaka izicelo zokukhokhelelwa izindleko ezingabafanele noma abasho imali encane ngaphansi kwemalingeniso yabo, ngokubiza izinhlawulo ezinzima. Phezu kwalokho, kuzoba khona izinhlawulo zokuphathwa kokungathobeli

kubakhokhintela abangayithobeli iminqamulajuqu yesikhathi sokubuyiswa kwamafomu entela ebekiwe yalo nyaka.

Kulo nyaka uSARS uzovumela abakhokhintela abangazange bavumelane nomphumela we-auto-assessment, ukuba bathumele amafomu okubuyisa intela alungisiwe kuze kube umnqamulajuqu obekiwe wesikhathi esijwayelekile sokubuyiswa kwamafomu entela, umhla zingama-23 kuMfumfu 2023. Loluhintsho olwenziwe ezinsukwini ezingama-40 ezazibekiwe ngonyaka owedlule.

USARS uxhumane nezinhlangano eziningi, kubandakanya nomkhandlu i-Recognised Controlling Bodies ukuze kulungiswe uhlelo lokusebenza. Lokhu kwenziwa ngokuqonda ukuthi uSARS usebenza abuye asebenzisane ngokubambisana nabanye ukuze abakhokhintela bezokwazi ukuhlangabezana nezibophezelo zabo ngempumelelo.

USARS ufisa ukubonga abaqashi kanye nabantu besithathu abaseceleni abakwazile ukuhlangabezana nosuku olungumnqamulajuqu lokuthumela lomhla zingama-31 kuNhlaba 2023. Lesi sinyathelo sizokwenza izisebenzi bakwazi ukusebenzisana noSARS ngaphandle kwezihibe futhi kalula. Abaqashi nabanye besithathu abaseceleni abangathobeli benza kube nzima ukuba izisebenzi zabo zixhumane noSARS futhi bazolandelelwa ngokuphula umthetho.

UKUBEKA USUKU LOKUYA EMAGATSHENI

Abakhokhintela abafisa ukuhambela igatsha lakwaSARS kumele aqale abeke usuku. Lokhu bangakwenza kanje:

- Ngokuthumela i-SMS ku 47277 (iSARS) enegama elithi *Booking (Space) ID number/Passport number*.
- Ngokucofa *134*7277# mahala kuselula yakho bese ukhetha okuthi *eBooking*.
- Ngokuya kusizindalwazi sakwaSARS bese ucofa ikinombo elithi "Book an Appointment". Gcwalisa ifomu eliku-inthanethi.

Ngolwazi olwengeziwe sicela uxhumane ne SARSMedia@sars.gov.za

#FilingSeason2023 #YourTaxMatters – www.sars.gov.za

#YourTaxMatters

IYAPHELA